



ENTI RREGULLATOR I ENERGJISË

Bordi

VENDIM

Nr. 34, Datë 28.02.2019

MBI

KËRKESËN E SHOQËRISË “AFRIMI K” SH.P.K., PËR FILLIMIN E PROCEDURËS PËR RISHIKIMIN E VENDIMIT TË BORDIT TË ERE-S NR. 263, DATË 19.12.2018 “MBI MIRATIMIN E PAGESAVE RREGULLATORE PËR VITIN 2018”

Në mbështetje të nenit 16, nenit 17, pika 4 të Ligjit nr. 43/2015, “Për sektorin e Energjisë elektrike”, i ndryshuar; nenit 7 të “Rregullores për përcaktimin e pagesave rregullatore”, miratuar me Vendimin e Bordit të ERE-s nr. 190, datë 23.11.2017, pikës 2 të Vendimit të Bordit të ERE-s nr. 263, datë 19.12.2018 “Mbi miratimin e pagesave rregullatore për vitin 2018”, të nenit 16 pika 1, të “Rregullore për organizimin, funksionimin dhe procedurat e ERE-s”, miratuar me Vendimin e Bordit të ERE nr. 96, 17.06.2016, Bordi i ERE-s në mbledhjen e tij të datës 28.02.2019, mbasi shqyrtoi relacionin e përpiluar nga Drejtoria e Tarifave dhe Çmimeve mbi rishikimin e pagesës rregullatore për vitin 2018 të të licencuarit Afriki K sh.p.k.,

Konstatoi se:

- Shoqëria “AFRIMI-K” sh.p.k. me anë të shkresës nr. 73, datë 05.02.2019, ka kërkuar rishikimin e pagesës rregullatore për vitin 2018 miratuar me Vendimin e Bordit të ERE-s nr. 263, datë 19.12.2018, me argumentimin se vepra nuk ka filluar ende ndërtimin dhe për rrjedhojë nuk është në proces prodhimi të energjisë elektrike.
- Kërkesa për rishikimin e pagesës rregullatore për vitin 2018, për këtë shoqëri vjen me argumentin se vlera e përcaktuar nga ERE në lidhje me këtë pagesë, është e lartë në kohën kur kjo shoqëri nuk kanë ushtruar aktivitetin e Prodhimit të Energjisë Elektrike, për të cilën është licencuar.
- Shoqëria “AFRIMI-K” sh.p.k bënë me dije se, ushtron aktivitet tjetër dhe të ardhurat e deklaruar në pasqyrën e Performancës (Pasqyra e të ardhurave dhe shpenzimeve) të Pasqyrave Financiare të dërguara në ERE, vijnë nga aktivitet tjetër, të palicensuar nga ERE.
- ERE me anë të shkresës nr. 345/1, datë 27.04.2018 në kuadër të procesit për përcaktimin e pagesave rregullatore, ka kërkuar prej shoqërisë “AFRIMI- K” sh.p.k., dorëzimin e Pasqyrave Financiare të plota, në zbatim të nenit 46 të Ligjit 43/2015 “Për Sektorin e Energjisë Elektrike”, i ndryshuar, pasi ishin tejkuluar afatet e dorëzimit të tyre.
- Shoqëria “AFRIMI K” sh.p.k. u përgjigj nëpërmjet shkresës nr.36, datë 09.05.2018 ku paraqiti në ERE pasqyrat financiare të pa audituara.

- Në vijimësi ERE me shkresën nr.552/57, datë 15.08.2018 i kërkoi shoqërisë “AFRIMI K” sh.p.k., dërgimin e pasqyrave financiare të audituara konform legjislacionit në fuqi, kërkesa së cilës kjo shoqëri nuk i’u përgjigj.
- ERE në datë 09.11.2018 zhvilloi seanca dëgjimore me tre grupe të licencuarish, ku u diskutuan në lidhje me raportimin vjetor të pasqyrave financiare për aktivitetin e ushtruar gjatë vitit 2017, si dhe paqartësinë e shënimeve shpjeguese lidhur me ndarjen e llogarive sipas aktiviteteve, çështje të cilat ishin bërë pengesë për llogaritjeve e pagesave rregullatore. Në përfundim iu komunikua shoqërive të licencuara që, informacioni i paraqitur në Pasqyrat Financiare duhet të përmbante të dhëna analitike, në lidhje me të ardhurat e realizuara sipas aktiviteteve të licensuara, si dhe të ishte konform përcaktimeve ligjore lidhur me raportimin tekniko-ekonomik dhe financiar në ERE, në të kundërt ERE do të përdorte për llogaritjen e pagesave rregullatore të ardhurat në total sikurse deklaruar nga shoqëritë e licensuara.
- ERE, në përllogaritjen e Pagesave Rregullatore për vitin 2018, zbatoi “Rregulloren mbi përcaktimin e miratimit të pagesave rregullatore” të miratuar me Vendimin Nr. 190, datë 23.11.2017 të Bordit të ERE-s, e cila është hartuar në përputhje me kërkesat e Ligjit nr. 43/2015 “Për sektorin e energjisë elektrike” i ndryshuar.
- Me Vendimin e Bordit të ERE-s nr. 263, datë 19.12.2018 u miratuan pagesat rregullatore për vitin 2018, ndër të tjera për shoqërinë “Afrimi K” sh.p.k. si më poshtë:
 - “AFRIMI K” sh.p.k. në vlerën 185,824 Lekë
- ERE me shkresën nr. 55/119, datë 15.01.2019 (marrë në dorëzim nga subjekti sipas verifikimit nga Posta Shqiptare në datë 23.01.2019), bëri njoftimin e Vendimit të Bordit të ERE-s nr. 263, datë 19.12.2018 “Mbi miratimin e pagesave rregullatore për vitin 2018”.
- Shoqëria “AFRIMI K” sh.p.k. ka depozituar në ERE kërkesën për rishikimin e një vendimi, jashtë afateve ligjore sipas përcaktimeve të nenit 16 pika 1, të “Rregullores për organizimin, funksionimin dhe procedurat e ERE-s”, miratuar me Vendimin nr. 96, datë 17.06.2016 të Bordit të ERE-s dhe nuk legjitimohet në kërkesën për rishikimin e Vendimit të Bordit të ERE nr. 263, datë 19.12.2018 “Mbi miratimin e pagesave rregullatore për vitin 2018”.
- ERE në çdo rast që evidenton pasaktësi në llogaritjen e pagesave të rregullimit për të licencuarit, edhe me iniciativën e saj mund të marrë masa për korrigjimin e pagesave rregullatore në të ardhmen.
- Neni 6 pika 4 e “Rregullores mbi përcaktimin e pagesave rregullatore”, parashikon që : “Në rastet kur një shoqëri e licensuar nuk ka paraqitur pasqyrat financiare , sic parashikon neni 46 i Ligjit nr. 43/2015 “Për Sektorin e Energjisë Elektrike”, atëherë ERE do të përllogaritë këtë pagesë mbi bazën e vlerësimeve nga të dhëna të marra nga Publikime Zyrtare”.
- ERE u ndodh në kushtet e depozitimit të pasqyrave financiare më të meta, në shkelje të parashikimeve të ligjit, i cili orienton për paraqitje të pasqyrave financiare të ndara për aktivitetet që ushtron i licencuari.

- Pavarësisht moskorrektesës nga ana e shoqërive të licencuara në lidhje me detyrimin për raportim konform legjislacionit në fuqi, gjatë procesit të llogaritjes së pagesave rregullatore, mendojmë se një tarifë më e lartë nga ajo prej 40,000 Lekë, sipas përcaktimit të nenit 6, pika 6.3 të “Rregullores për përcaktimin e pagesave rregullatore”, e rëndon buxhetin e tyre, në kushtet kur nuk kanë ushtruar aktivitetin e licencuar.
- Në mirëkuptim të rrethanave të faktit, deklarimeve të depozituara më vonesë, në kërkesat për rishikimin e vendimit për përcaktimin e pagesave rregullatore, sjellim në vëmendje se në pikën 2 të Vendimit të Bordit ERE-s nr. 263, datë 19.12.2018 “Mbi miratimin e pagesave rregullatore për vitin 2018”, në dispozitiv të kësaj vendimmarrjeje, bazuar në nenin 7 të “Rregullores për përcaktimin e pagesave rregullatore”, ka përcaktuar se:
“Diferencat që rezultojnë nga Pasyrat Financiare të çertifikuara për vitin 2017, të konsiderohen në llogaritjen e pagesave të rregullimit të periudhës pasardhëse”.
- Kërkesa e shoqërisë “AFRIMI K” sh.p.k., e cila është jashtë afateve ligjore për të vënë në lëvizje Bordin e ERE, me qëllim marrjen e një vendimi të ndryshëm nga ai i marrë për përcaktimin e pagesave rregullatore, i është dhënë përgjigje me sa sanksionuar në pikën dy të Vendimit të Bordit të ERE-s nr. 263, datë 19.12.2018 “Mbi miratimin e pagesave rregullatore për vitin 2018”.

Për gjithë s më sipër, Bordi i ERE-s,

Vendosi:

1. Rrëzimin e kërkesës së shoqërisë “AFRIMI K” sh.p.k., për fillimin e procedurës për rishikimin e Vendimit të Bordit të ERE-s nr. 263, datë 19.12.2018 “Mbi miratimin e pagesave rregullatore për vitin 2018”.
2. Njoftimin shoqërisë “AFRIMI K” sh.p.k., se korrigjimi i pagesave të rregullimit për shoqërinë e licencuar nga ERE, për diferencat që rezultojnë ndërmjet Pagesës Rregullatore të miratuar për vitin 2018 dhe asaj të rishikuar, do të konsiderohet në llogaritjen e pagesave rregullatore për periudhat pasardhëse, në zbatim të pikës 2 të Vendimit të Bordit të ERE-s nr. 263, datë 19.12.2018 “Mbi miratimin e pagesave rregullatore për vitin 2018”.
3. Drejtoria e Tarifave dhe Çmimeve të njoftojë shoqërinë “AFRIMI K” sh.p.k. mbi këtë vendim.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.

KRYETARI
Petrit AHMETI

NË MUNGESË DHE ME AUTORIZIM
ANËTARE E BORDIT
ERJOLA SADUSHI

